

माता आयो मैं जसोल नगरी माय दर्शन देवोनी म्हारी मावडी



माता आयो मैं जसोल नगरी माय,
दर्शन देवोनी म्हारी मावडी,
ओ बीरा लेवो भटियाणी माँ रो नाम,
दुखडा काटेला म्हारी मावडी,
बीरा लेवो भटियाणी माँ रो नाम,
दुखडा काटेला म्हारी मावडी।bd।

ओ माता जोगीदा मे जन्म लियो आप,
परण पधार्या मालानी मायने,
ओ माता जोगीदा मे जन्म लियो आप,
परण पधार्या जसोल मायने,
ओ माता दुख थारे भगता रो निवार,
जागन दिरावु म्हारे आंगने,
ओ माता दुख थारे भगता रो निवार,
जागन दिरावु म्हारे आंगने।bd।

ओ माता दिन तो तेरस रो मन भाय,
नर ने नारी रो मेलो लागीयो,
ओ माता दिन तो तेरस रो मन भाय,
नर ने नारी रो मेलो लागीयो,
ओ माता नाचु मै तो थारे दरबार,
रंग भगती रो म्हारे लागीयो,
ओ माता नाचु मै थारे दरबार,
रंग भगती रो म्हारे लागीयो।bd।

ओ तेजा सुनो म्हारे मनडे री बात,
ढोल रे डाको थोडो देवजो,
ओ तेजा सुनो म्हारा मन री बात,
ढोल रे डाको थोडो देवजो,
ओ बहना थाली बजावो मन्दिर माय,
ढोला रे धमीडे माजी आवसी,
ओ बहना थाली बजावो मन्दिर माय,
ढोला रे धमीडे भटियल आवसी।bd।



ओ माता रिमझिम पायल री झनकार,
घूमर रमवा ने आविया,
ओ माता रिमझिम पायल री झनकार,
घूमर रमवा ने आविया,
ओ माता सुनो म्हारे मनडे री बात,
एकर पधारो म्हारे आंगने,
ओ माता सुनो म्हारे मनडे री बात,
एकर पधारो म्हारे आंगने।bd।

ओ माता सुनो थे म्हारा मन री बात,
सोलह सिंगारे थेतो सारजो,
ओ माता सुनो थे म्हारा मन री बात,
सोलह सिंगारे थेतो सारजो,
ओ माता काजल टिकी लगावो आप,
मेहन्दी रंगावु थारे हाथ मे,
ओ माता काजल टिकी लगावो आप,
मेहन्दी रंगावु थारे हाथ में।bd।

ओ भटियाणी जी सुनलो थे मनडा री बात,
थारा टाबरिया ने होरा राखजो,
ओ माता सुनलो थे मनडा री बात,
थारा टाबरिया ने होरा राखजो,
माजी गावे 'श्याम' चरना रे माय,
भोला भगता री लाज राखजो,
ओ माता गावे श्याम चरना माय,
भोला भगता री लाज राखजो।bd।

माता आयो मैं जसोल नगरी माय,
दर्शन देवोनी म्हारी मावडी,
ओ बीरा लेवो भटियाणी माँ रो नाम,
दुखडा काटेला म्हारी मावडी,
बीरा लेवो भटियाणी माँ रो नाम,
दुखडा काटेला म्हारी मावडी।bd।

गायक – श्याम पालीवाल जी।

प्रेषक – मनीष सीरवी।

(रायपुर जिला पाली राजस्थान)

9640557818
